

柯家山館遺詩

柯家山館遺詩卷五

歸安嚴元照修能

癸酉元日

竹際瑤淙雪未消
新妝呵鏡學梅嬌
誰教春信遲三日
不放東風上柳條

元夕後病勢轉亟沈秀才

陸

丁提舉

如琦

倪秀

才

印元

奚上舍

疑

家上舍

章傑

相約至山居間

疾信宿而歸惜別感懷漫志數韻

嶧陽孤桐半身死
病骨經春竟如此
造物愛人欲佚我
判委此身饗螻螻
積然一榻耿不寐
臥看風窗墮燈藥

誰其足音來是然故鄉石交二三子春江月黑春夜寒
百里趨程片帆駛闔門慘淡驚故人亂髮鬚髯瘦如鬼
等閒情話露肝膽斗覺春溫浹肌髓隔年鮭菜寒庖空
一覺繩牀清睡美林閒小鳥作意喚牆外暮山可憐紫
養病祇覺遣情難惜別重新喚愁起欲知此後寄相思
清夢來寄玉湖尾

齋日倪

鑑澄

餉菽乳一器東坡云天上酥陀不

可知人閒決無此味也

君家菽乳真三絕壓倒東坡玉糝羹天上酥陀寧換此
人閒刀俎可憐生

病亟分遣

遷遠

兩幼子許表兄書來以不能爲

予分憂爲歎且責予不以古人相待感歎之深

誌以甘言

細雨梅花落春寒無限情朋牋似芳草故故喚愁生

錢塘梁孝廉

祖恩

夜過山居

如此春宵雨衝泥來款門幢幢燈影裏值得一銷魂
苦愛西湖好重來未可期因君問鷗鷺爲我寄相思

聽雨感懷

蘭缸黯黯漏沈沈聽雨幽窗淚滿襟明日飛紅應糝地
可憐垂死惜花心

簡程五濤

盃中酒白如人面
檻外山青似佛頭
鎖日攤書樓上坐
更於何處著閒愁

寄無錫韓秀才芸章

白髮遙知點鬢明
十年吾不見韓生
詩情無恙憇新柳
君向以新柳詩得名
因自號新柳詩人
鷗夢難圓冷舊盟
長日閉門聊養拙
清時多病怕求名
懺除未了懷人意
欲折疏麻淚已傾

暮春之初沈二哇重過山居信宿別去

重聽春宵雨頻挑
竹几燈鄉心逐歸
夢一夜到吳興

津亭新雨歇故人泚然去斷腸一片帆搖搖隔江樹

奚上舍書來傳示張秀才

文裳

高明經

錫蕃

魏

塘歸舟聯句見及之作憮然口占

有客書傳聯句詩篷窗風雨寄相思不知隄畔垂垂柳
淚眼愁睂卻爲誰

戴刑部枉顧問疾信宿山齋旣歸會城郵書六
十餘冊見惠寄謝

古人棄我去神理寄編簡茗茗千載上穆穆發遙眇前
生疑白蟬結習深莫遣沈痾摧心幢於茲猶繼繼故人
叩巖扉如風泠然善浮屠桑下例三宿不可款貽我枕

中祕累墜一櫝滿摩娑彊起坐已加一餐飯長恩大醫
王起癢劇和扁盛年悔虛度炳燭嗟已晚殘生寄蝸殼
誓將塵慮剗勤讀當拜嘉敢如昔年嬾

題許氏古香書屋時養痾於此

竹裏書堂借榻眠筆牀茶竈小安便祇愁一抹遙山色
隔著重城似隔天

梁學士句

紀夢

病裏情塵未肯灰疏鐘敲夢五更回分明一桁湘簾下
恣看春蔥縮髻來

古意

楊柳濃於染離人不肯歸春風無賴甚吹作雪花飛

去秋就醫無錫晤鄒九上舍煥近聞其處境甚

窘作此寄之以下甲戌

秋風垂死才一面漆黑頭顱顏色變黃金無地贖青春
廿載流光如激箭河梁分袂又一年鯉魚沈水鴈拂天
來斗米錢七百知君久矣炊無煙撐腸萬卷竟何補
范叔一寒固其所儒冠壓頂終誤身飽死旁人笑君腐
養魚種樹皆有書古人學術誠非迂請君換卻頭銜好
抱甕行畦較自如

無錫吳秀才克昌枉書存訊賦寄

賓禽八大水黃花報深秋虛堂風張

去聲

幕獨處誰與儔

藹藹一片雲忽焉懷中投挹之不盈握光采明我眸清
愁若冰雪而遇春風柔君意良自殷我病殊未瘳江關
阻迢遞辛苦傳書郵豈無一寸芹欲獻還自羞古人去
遠矣微茫緒言畱所貴遜其志弗以鹵莽求老農有良
田三時勤鋤耰玉人獲美璞百巧窮琬鏤矧茲六藝術
致力安可偷賤子昔弱年斯語聞前修聊用遠持贈無
味君弗尤

晚菊

階下清霜重黃花信未闌西風能愛惜猶得幾回看

送徐球往長興

霜風盡衆綠餘力欲冰酒河梁日欲暝之子惜分手寒
波明遠汀亂鷗在苑柳柁背故鄉山誰能不同首

題魯公帖

堂堂顏太師乞米乞鹿脯岬嶮數行字鬱鬱風氣古蕭
然一無有誰知公清貧馬病復以告太保良可人

山居初冬卽事

木棉裘敝不遮風炙背南榮日正紅一角寒山憐骨出
半枯病樹笑頭童多情歲月消詩卷未了生涯付釣篷
隨分齏鹽堪送老投牋何意問天公

病榻讀書漫述 并引

僕自壬申仲秋患腸澼之疾久而弗瘳去冬重以
瘵瘵右脅生瘕兩乳作痛夏閒又患腹脹侵尋歲
月九死一生扶持嫗煦唯少張一人而已宛轉牀
蓐之閒藉書卷以自遣意有欲言漫綴數韻其得
十有四篇將以示吾同學東坡云就使無取亦足
以見其窮不忘道老而好學也

曾子書十篇其言醇乎醇淵原自洙泗詞義高孟荀茫
茫二千年荒途闕荆榛道術爭異同迂儒空慚慚如何
太傅禮表章竟無人

潛聖有玉音

涪翁句

春秋屬諸商著錄誰高第得穀梁公

羊傳易傳喪服詩序尤煒煌論語泉爾雅一一經參詳
文侯孝經傳篇裘情散亡聖途闢軌轍來學資舟航傳
經功豈淺應寫良金償勿因投杖拜遠爾生謗傷

簡策遭秦火斯文日淪喪漢儒勤補苴以爲來者貺守
殘漫相笑實惟聖所仗惜哉唐泰陵制可太孟浪洪範
文字改月令篇第剗濫觴自茲始世遠膽逾壯詩書悉
點竄奮筆千載上陋古果自信詞義轉植釀誰奏廓清
功吾心獨惆悵

女郎解文史班昭擅英靈豈若伏生女力能傳遺經儒

林遭阮笄講堂方堅局口授以口受端不藉殺青報功
及并珈法宜配 廟庭誰能竝此議庶以揚幽馨

馬遷善讀書貴能通其意曾從安國問壁經識大義勒
成一家言千載見傑思徒誇文字奇笑君未知二

劉歆名父子雅尚古文學博士真宋韓奮筆力排駁若
人雖可鄙六藝信先覺苟以人廢言如以石賤璞扶風
亦黨惡說經終嶽嶽

達磨未東來沙門無禪悅江左方袍侶往往曉儒術東
林遠法卽治詩稱負絕碩彥甘北面鞠窮侍巾拂琳公
亦矯矯聖經力穿穴得非往昔因尼山受記蒨斯人真

吾徒豈以異端屈侮聖彼何人儒童證菩薩

羣經紛訓解經師數某某一卷孝經注獨出唐帝手八
分親繕寫妙出蔡邕右石臺高嶙峋將共地天朽經術
資治道國脈宜可久漁陽誰釀禍狼狽下殿走將毋欠
躬行徒資耳與口翠墨備清祕古榻半生守晴窗較波
磔書評墮窠臼

千古匡濟才孰如管有吾小白亦庸主藉之展良圖平
生所設施猶傳數篇書文義殊艱深津逮誰首途房喬
強解事注緝徒區區後來老與莊誦習何紛如元言果
安用世情貴空虛

承祚良史才連蹤志三國以之參班馬伯仲無媿色乞
米事無徵浮言後人惑平生重葛相遺文表章力片言
短將略萬口謗未息不有竹垞叟舉世但耳食竹垞有陳壽論
廬陵記五代文比太史潔如何韓曄眼遺事就泯沒終
居第二等喙長不敢詰隱侯雖闢茸修史有直筆袁粲
宋忠臣公論皎如日曾聞欠一死廟堂嗤范質

編年魯史記曾經聖人修卓哉程秀才

溫公曾以自稱著書繼

春秋千載如指掌書成贊皇猷敘事貴實錄史才乃見
優漢亡位閩新唐絕中稱周帝魏果巨繆桓公非魯侯
陂湖一唱和儒術判兩宗宣尼不可作誰能折其衷

草可取譽異品乃同功百川非一道朝宗皆向東殊塗亦何傷毋庸強之同定論在晚年毋乃冤晦翁

四部試觀縷紛然難具宣僂指漢以後十不一二傳儒生苦好事泰山抬一拳自非帝王力孰能彙其全永樂纂大典細大都不捐琳琅萬餘冊古人慧命懸文樓高入雲有光宵燭天三殿化灰燼嘉靖壬戌九廟成飛煙崇禎甲申此書獨無恙萬靈拱筦鍵畱以裨文治盛世寧舍旃

讀山谷詩

從來漫說蘇長公近年知愛黃涪翁彈丸脫手不離手

意匠正在阿堵中瑤瑟聲希有遠寄昌歆登槃豈偏嗜
廷辱人主田舍翁飛鳥何人知嫵媚遺山下拜理則那
小馮君又痛詆訶常熟馮班紫微詩派人如許終讓堯章得
髓多

乞兒樂

腰閒不樂懸吳鉤毛錐生活亦可羞不如吹簫吳市游
一生不作來日謀得食半飽便可休唾著其面面愈柔
竹枝無腔曼聲謳本無生計無可憂誰其相依有沐猴
歲云暮矣同雲愁城譙壞壁無人修霜風刺膚利於矛
高臥不須衾與幘此身本似浮萍浮夜闌夢作萬戶侯

錦袍加身冠壓頭顧盼意氣隘九州忽然欠伸閑兩眸
人家何處炊煙稠雪花又早封瓦溝

歲暮偶書

雙丸逝不停匹如車轂轉慨彼車上人去鄉日已遠人
生四十過西殢暮景短三年支牀簣萬事付選悞聞道
今已遲又見歲華晚

乾忙亦可憐況復歲事訖置身百允中愚智同一轍蓬
蒿塞三徑久矣屐聲絕飢雀下空階門掩暮山雪

雪詩次許兵部表兄韻三首

節物驚心感歲華旋看稷雪趁風斜初飄池面融纖玉

小觸松身綴淞花吳岫煙微隨望斂
顰梅香冷惜春賒
山窗一倍添蕭寂無復林閒噪晚鴉

離居聊用代瑤華一自繽紛整復斜
漠漠未春先轉絮
綏綏無樹亦飛花曾傳幕府行廚遣
誰畫空江釣艇賒
多事北臺畱險韻賺人墨汁漫塗鴉

青腰神女逞妍華面旋穿簾作態斜
寫入朱弦翻舊譜
點來枯管茁新花南州炊餅明年大
剡曲扁舟往事賒
修竹捎雲愁欲折曉窗消息探金鴉

雪詩又次韻三首

餞歲消寒戀物華飛霏入夜又橫斜
林巒未退千層縞

枯枿重開一色花照影微燈明復滅尋聲疏竹近如賒
幽蘭曲罷情情意愁絕鄰娥鬢妥鴉

青腰一笑粲瓊華望裏清光萬玉斜折竹千山傳遠響
窺窗片月闌空花賓筵酒暖盃行急歸棹簫聲客夢賒
聞說惠施文字妙閒來遮眼黑如鴉

風定寒凝積素華密排銀竹畫簷斜冥鴻飛去空畱迹
小鼎收來試煮花驢背詩成誰共賞醉頭酒熟及時賒
捉提更遣歸何處莫趁牆陰瑟縮鴉

徐秀才

球

歸自長興畏寒不出小除夕寄柬

不見徐生久南枝欲破春秋風畱小病殘臘得閒身入

夢知相憶傳書總未真
溪堂看雪好咫尺隔城闌

除夕口占撥悶

徐子歸家不得面
舟翁老病祇攪心

梁學士

殘年一事無

可意門外雪泥三尺深

乙亥元日

從容紙帳歲朝眠
又與閒身結病緣
一死不辭償所欠
殘生何意得今年
夢回詩鬢駸駸改
春點梅妝故故妍
莫笑詩人窮到骨
牀頭猶賸賣書錢

元夕後又雪許表兄緘示見和之作重次其韻

二首

又翦輕冰綴鬢華迎風整整復斜斜一寒不覺元宵過
三白不添病眼花長鏡隨身山徑斷糧艘阻口水程賒
飛章我欲彈麟六喚起牆東若木鴉

朋牋紙筆試才華忍凍吟成字半斜漫喜瓏鬆裝玉樹
劇嫌重疊損春花藜牀紙帳朝眠穩檀板金尊樂事賒
揀盡寒枝棲未得僮僮癡立笑山鷗

去臘約戴刑部山齋度歲不果元夕後始克踐
約流連累日賦呈長句

匝月聞歌黃竹哀峭帆一夜卸溪隈騰騰彈指經年別
鼎鼎關心此度來雞黍已違殘歲局荆扉終待素交開

西湖縱好休歸去計日山窗欲放梅

戴荊部畱山齋七日仍還會城卻寄

蕭然春夜閉孤篷愁雨愁風故惱公虛負清尊開七日
怕聽譙鼓到三通寒梅經雪心期在空谷生香議論同
直爲山齋畱故事回撓祇惜太匆匆

正月廿七日作

東風吹雨黯江城不放山窗一日晴詩思亦如青鬢減
愁端直與暮雲平行糜穀少珍於玉采蕨人多駭似甍
浪說茅堂高臥穩

李山人

堂

書來告將有廣西之行卻寄

聞說江亭柳東風慘澹塵好聽吳榜雨去訪嶺梅春作
賦悲窮鳥裁書付錦鱗此邦多瘴癘珍重苦吟身

春分日書懷

梅花剛爛漫春事已平分節序催華髮羈愁亂暮雲哀
鴻猶徧野鳴鹿亦呼羣坐惜幽期晚空山草正熏

花朝新霽扶病與少張汎舟溪畔看梅紀遊二

首

花柳回春妍新晴及花朝三年枯木榻俛仰不自聊開
戶眇遙岑隔岸若爲招陂塘日初斜細漿穿畫橋飄渺
同舟人翠蛾淡不描羅衣約身穩芻蕘當風搖鳧翁傍

蒲稗煙波與之遙推篷天水闊曠然萬慮消

溪濱有梅林久負看花約東風遣清寒千梢破紫鄂空
山春浩蕩花光耀林薄幸無攜酒人不受俗氛虐斯人
淡丰容宜於此焉著縞衣相一笑入畫費評泊人生幾
旦暮所貴早行樂茲遊雖草草披寫未爲錯

題李花

園林二月尾襪李粲春風縞夜非關雪連天不礙空一
株還慘慘萬玉自戎戎豈羨天桃面嬌紅露井東

題白桃花

絕豔偏於淡素宜一枝淺笑出疏籬何年仙種傳王母

受種椎波磔吐光怪高矩中郎貽妙軌當塗邁勿輕二
名少體製補一代西京求其曹何慙五鳳配當時大小
王聲價動海內三眞兼六草貴與風氣會斯人獨崢嶸
嗜好與時背絕藝亦可憐落空自愛豐碑旣禁樹僧
壁未容芥託迹搏埴工僅乃著梗槩陵谷幾貿易寶刻
半爲礧何意江之南猶贖此瓢在英光終不蝕後出遂
無對平生石墨癖欣賞此爲最何人識周鼎舉世溷蕭
艾懷古生遠情悠悠我心痾

送春

惜惜桑葉欲遮山飛去楊花不肯還畱得一天濃綠在

任教風雨滿人閒

別友

岸草汀花欲送行江雲浦樹遠含情尊前不惜千行淚
未必重逢是此生

夏日山居雜詩

山窗春一去綠徧庭中蕪鄰牆有高樹清陰借我廬悄
若深山中繞屋青杖疏臣精雖銷亡頗復惜三餘補病
以靜默獨把一卷書悠然成獨笑會心及古初

青山抱我屋翠重覺山近爲容若有素了不形偃蹇煙
雲變昏旦山意轉深穩依山結茅茨十載遂肥遯放意

泉石閒何暇賦幽憤

鄰家有草堂水竹美無對遙峯當戶出茂林小與礙軒
窗集衆妙景物自天續叩門日三四談笑不爲態雲壑
諒有人高揖謝時輩

亭亭數莖竹掩冉庭之隅此君醫俗手一日何可無暖
風坼綠蔕新梢倍可娛主人長不死鍊形如竹臞空有
說食癖寒庖絕花豬便令喚黃鵠乘之凌紫虛

灌木漸幽茂積雨生夏寒方塘含風漪曠若干頃寬平
岡踞其上孤松倚孱顏明月晚來上亭亭如可攀愛此
松際月東扉夜不關

屋後兩稜麥雲黃識秋至飯熟卽快活人鳥同一意刈
來人許長蔌蔌金作穠田雞與鴈羈田家好風味食新
非始願一飽更何事

遙鐘殷空林殘夢夜闌醒披帷燈欲暗疏竹半窗影擊
衣朧簾罅缺月光罔罔幽光閒何闊復此挂西嶺不辭
坐達旦風露曉寒警念我同懷人江湖理煙艇

遠公詠

并引

禪月遠公詠云愛陶長官醉兀兀送陸道士行遲
遲買酒過谿皆破戒彼何人斯師如斯涪翁效之
亦有作云邀陶淵明把酒欒送陸脩靜過虎谿留

次九流清似鏡人閒萬事醉如泥二詩皆未愜余
意故別裁之

愛陶徵士豈關酒笑謝客兒空好上聲詩虎溪人過不畱
影認過虎溪人太癡

胡秀才作梅挽詞

飛雪填門日明燈送竈時難忘深夜語曾共歲寒期此
夕真成別他生未可知龍鍾雙袖淚爲爾更何辭

和涪翁情人怨三首

并引

涪翁集中有情人怨戲效徐庾慢體三首豔詞逸
思猶存古則顧其所用之韻不無舛錯房櫳窗櫳

字宜从木熏籠之籠則从竹爲之蓮蓬轉蓬字宜
从艸船篷之篷又宜从竹溷而一之殆不然矣放
作三首改從一文不必同其意亦不能師其詞也
曉鏡當窗白纖袿映肉紅鬢蟬元自薄釵鳳不勝籠斗
帳霏微雨屏山斷續鴻天邊芳草遠誰與惜蓬蓬

微河波曳白華燭淚垂紅檀槽消永夜篤耨換熏籠河
干沈錦鯉塞上斷歸鴻坐惜年芳晚秋風首似蓬
遠岫侵鬢綠嬌蓮的面紅明妝燿朝日仿佛彩雲籠華
屋無歸燕江天多別鴻庭蕪溥白露蕩子尚飄蓬

詠夏閨效齊梁體

修蛾殘淺黛輕羅弛故紅流津雙釧滑墮髻半釵攏瑤
階簾影定珍簟水文空團團白紈扇隱約畫屏風預惜
初涼夕幽歡誰與同

紅蕖爛淥水華彩自相鮮佳人悅妝出花水不成妍素
頰全欺粉元鬟不帖鈿何因承一笑南金豈論千
清風生日暮房蘖薦晚涼臨風晞鬢髮瑩彩自生光幽
芳散蘭澤素豔照釵梁不假鉛華御非關珠翠香

題平湖周七

士連扇

我愛禾與周處士面目瘦如黃鵠子碌碌盆盎滿眼前
何意得此古鬢洗杜陵一老長飢寒夢想廣厦千萬間

古人此意時復有今得觀之良獨難

君翔建義塾四所聚生徒百人竟以

此毀家頃往來杭湖經理此事余曾有文贈之

奚上舍

疑

以陳學博

焯

所贈舊紙索書漫題其

上

廣文先生蓄舊紙昔年得之張芑堂湘管齋中五十載
篋衍永克清祕藏銀鉤蠶尾惜不試但以行狎題其旁
流傳云自鄭端簡是明是宋精推詳廣文垂老屏長物
楮生託契歲月長交游滿前孰嗜此移餉無若奚生良
奚生重人因重紙十襲有若璚琳琅榆蔭樓中美風日
明窗恣玩鋪玉光裂半去索沈變畫乞我墨戲裁半張

我書杜撰不師古意不如晉法遜唐但見春蛇逐秋蟻
豈有鳳翥兼鸞翔不虞之譽出衆口以我配食錢唐梁
梁公論書亦許我終不自信徒悚皇松煤兔穎崇此紙
挽底無鬼來元章重以惡詩無句法效顰絕倒江夏黃
還君定遭怒生癭拜書汗出流如漿

奚上舍以所藏宋人書藏經墨蹟分餉一紙賦

謝

奚生惠尺素示我宋梵夾越筠滑不毛索索響金葉色
漫絲闌朱痕損 摺時代知何王姓名失某甲一行
十七字墨彩猶未乏肥書如饅頭體勢喜岌業霜龜吐

姿媚少分

去聲

老坡法未足誇墨皇頗復勝俗帖琅琅清

淨文定屬何藏攝想其初寫時萬幅溢箱篋盛以沈檀
函藉用光明氎撫呵煩八部浩浩歷塵劫吁嗟五百年
忽如眼一眨寶積隨飛煙四散化秋蝶珍重此兩枚流
轉到君笈古香不盈握氣足萬籤壓飢眼乍一經豪奪
未敢輒脫手肯分餉吾意雅所愜何來英瓊瑤禿管強
試學詩成不可句一笑口難嚙

懷友

昏昏輕雲欲蔽門依依涼月又侵軒來朝淨翦平階草
我欲尋君屐齒痕

翰林侍講學士梁公挽詞

上壽兼前輩公今第一人

先生年三十八詞館迄今六十四年矣

儒林舊

舊史

天子喚耆臣

丁卯年先生重宴鹿鳴衛上諭中有耆臣字樣蓋異數也

恩詔加學士忽

漫騎黃鵠從茲斷錦鱗廿年知己淚含意向誰申

初秋明月滿江左哲人萎

先生歿於七月之望

牛斗無精氣湖山

失令姿名應垂史筆學豈謝經師所媿非皇甫豐碑負

退之

憶昔梁溪畔萍逢捧手初

乾隆乙卯元照往無錫弔稀文恭公之喪會先生亦來弔

特呼出見始得識面

音微雲等潤襟袞谷同虛詩比追述急

先生會賦

簪花小集詩四首跋云九情殷授粲餘隨園老人贈先
能索賦此詩急於索逋生詩云一飯稔
嚴常選客元照祇今看篋衍珍重換羊書

久病憐同病先生於辛未之冬生疽於項幾殆自茲以
之秋患腸滯吹噓及死灰藥方親手寫瘦杖夜航來事
四年而不愈皆在高館春風歇虛堂白日積江村長槌戶蓴鱖有餘
去年哀

八月十四日徐球招倪鑑澄胡來金二秀才攜

饌過山居分韻得德字

久病胃府虛畏近藜莧食寒庖無豐膳長貧乃非膏枯
魚焦菽乳舉箸氣欲餉款門來故人覲面怪我墨委蛻

作臞仙便恐在頃刻廚珍許走送練日期以翌同懷領
二彥情話謝矯飾金風卻闌暑薜收正攝職園桂挾古
香爽氣襲衣袂瓜棚餘日黃林葉半蟲蝕桑蛾亦乘時
破繭傳兩翼殘蛸抱苑柳號風已無力清秋已過半行
恐霜霰卽華年消藥裏盛時不再得杜康巧解愁衰顏
奪菜色肴核但取足歡愉良究極陶公千載人尚懷一
飯德小人銘雅意匪石諒難泐相期崇令儀皓首靡有
忒

索居

端坐忽愁思索居無奈何懷人秋水隔伴我暮山多疏

柳蟬猶噪閒門雀可羅殷勤媿鄰叟拄杖日相過

懷蔡二孝廉

開來府谷

秋風吹短夢昨夜落邊關之子溫如玉三年別故山羈
愁呼白墮壯志殷黃閒尚有飛騰意非君不愛閒

王二

獻

惠書餉茗薺藕粉鴿卵三物又以寶鼎

甌字拓本明御史長興瞻山葉公墓誌銘墨蹟

見示賦寄卅六韻

蒹葭日離披陂塘漫秋水蕭晨入遠懷眷言二樵子望
之不可卽英英白雲似握蘭惠好我欲喚積疢起餘妍
入詞翰逼人來疊疊三珍復同槃如此致足喜殷勤玉

人意鄭重殊未已殘甄親手搨吳元寶鼎紀是歲在困

敦適當晉泰始東遷潘瑾造歷歷字可指

一甄存寶鼎三年歲五字

在字半蝕一存吳興東遷孝潘瑾造八字吳字蝕其口瑾字亦漸泐東遷縣名也晉置隋廢今與南潯鎮相近孝本古學字魏晉間俗書與孝相濶此孝子二字蓋墓甄也以下體代子字故子字不別出潘氏本望吳興

晴窗明老眼古色落窗几中吳雁嶺本前此一年耳耆

古竹垞叟爲之滌塵滓甘泉暨五鳳伯仲誇鼎峙

康熙時吳

中小雁嶺出寶鼎二年甄竹垞拓其文與漢甘泉瓦字五鳳二年甄字合襲一冊跋見集中

茲品儻

早出居然具四美觥觥瞻山翁霜臺凜峨豸生逢明末

造竟以憂國死陵谷一遷貿遺事失首尾精靈所憑依

墓銘六幅紙實錄無媿詞筆力掃茅葦零星試掇拾一

一關舊史作者不凡輩臭味出一揆同年復同官惜哉
失名氏書手亦落落行布大奇詭得非蔣蘇灣明腕有
楊風鬼楮生壽何永不受塵劫毀何當礱片石模勒傳
千祀名賢暖餘暉豈獨敬桑梓小人天所厭四載困牀
第感君念菅蒯愛我若桃李十朋珍逾龜半合遠付鯉
歡顏發勝賞餐飯加一七西山五色藥功效豈足擬開
軒菊呈黃明燈蟹薦紫思君如亂絲無端誰爲理儻借
一帆風吾將炊黍俟

王二以舊紙封書戲題兩絕句

楮生放廢沒奇姿只合鑊錢餉鬼宜石壓蝦蟇好書格

坡仙應恨不同時

贈紙

餉鬼鑊錢判作灰平生元不愛松煤癡兒弄筆真多事
又受人閒供養來

紙荅

九月十三日同人夜集山館聽沈山人彈琴

秋堂卷幔風露清孤飛海月隔樹明鏗鏗邴上七弦語
練余此心和且平平沙鋪雪一鴈下幽咽寒泉石上寫
坡仙只解聽牛鳴坐中誰是知音者

爲王二

戲

題金農處士畫梅

逃禪天上去空山無陽春帝遣大布衣爲梅花寫真畫
梅詩作骨尺幅見奇致十襲三摩抄主人乃解事

胡秀才來金

招同人集山館食蟹口號五絕句

霖巖有心招近局得錢買蟹不自嘗一尊移置竹窗下
要看野林秋日光

鳴薑試煩春筍手行酒不須金縷鞦江山萬里起方寸
對此那容無好懷

坐中郎二

森

眞可人公然有口不論文苦吟我亦媿才

拙詩壇看人先策勳

中丞後人最少年酒闌手腳輕欲旋諸公莫漫笑兒戲

難得袖中冰雪篇

蔡秀才壽昌

徐生

球

溫溫玉不如眞成今日行祕書抽帆明日箸溪

去襟上酒痕應憶子

題歙縣程秀才

洪溥

等身相

上有題字云小二秀才廿四歲小像

蓋壬戌年作也

吾之大患吾有身七尺俯仰殊累人小二秀才亦何意
更喚丹青來寫真長離婉婉江之濱揆光欲空凡鳥羣
珪璋出櫝非褻玩纁藉法宜廊廟珍問君獻賦何逡巡
少年無數千青雲巢林一枝何足戀豈無勁翮揮秋旻
低心何苦耽典墳勘書午夜蘭膏焚翩翩大舸載萬卷
索錢苦遭關吏嗔戴金谿道其去年離杭時事如此風聞此事輒心許
思君如飲春醪醇爲君題詩筆有神惜無阿買書八分

因風寄語莫相負須著名香且晚熏

蔡表兄

景光

齋中海棠初冬作花賦之

朔風下亭臯衆林日以羸海棠出靚妝疏疏著燕支獨
笑破寂莫不受清霜欺栽培力不及得非天所私歎息
揩病目惜汝違其時

三春判花事半被風雨惱海棠空嬌姿不得三日好何
如凌薄寒吐豔照晴昊夜闌更奇絕獨耀霜月縞美人
怨遲暮志士惜衰老長憶睂山公相逢苦不早

木癭杖歌

木癭之杖誰所貽龍頭菌蠹形模奇孫枝斜據癭而勒

作勢鬱律卻倒垂千年老蛟出幽壑森然四作鱗之而
雷電下捕遯不及頭角墮地猶躩踞空堂倚壁見光怪
百靈閃屍不敢窺主人久病天所廢體脾不與身相隨
舟翁持贈拜嘉貺羸軀九死蒙扶持揩磨敢惜尺許布
入手爪甲生光輝奇姿不遺衆草沒託契端許高士宜
江心桃竹奉杜老滇池赤藤逢昌黎雄文各自出極思
草木亦幸得所歸此杖所主眞學士百年永與塵垢辭
如何一旦別高館惜汝所託其人非舟翁今已去天上
對之迸淚空漣漣神物豈肯久屈枉便恐變化凌空飛
嗟爾慎勿凌空飛吾今失汝將安依

倪三稻孫留宿山館賦示

冉冉歲華晏淒淒風物殊佳人訪泉石清話代萱蘇短
鬢秋如許黃花興未孤平生飛動意對汝不能無

與倪三夜坐有懷徐球時徐從長興往平湖

勝引還相對良宵倍可憐鋪窗霜月白映几墨花鮮隱
隱傳遙柝迢迢憶畫船水程三百里今夜泊誰邊

題倪三畫蘭

客窗無事寫幽蘭妙有詩情到筆端消得病夫清夜坐
香溫茶熟幾回看

觀鑄農器有感而作

讀書不聞道祇復益其愚學劍竟何成適以亡其軀人
生依稼穡擇術良非迂唯茲來與耜託命終歲俱厥器
苟不利奈彼田疇蕪錚錚發霜曉清響警夢餘尋聲獨
挈杖乃造鄰翁廬松風爲扇炭薜石巧捧爐鋌鐵雖云
頑變化在須臾主人適爾笑此物生所須吾事及茲辦
夫豈不足歟俯仰媿斯言半生空勤劬文史爲麴蘖醞
釀成腐儒驟驥逝不反積痼迫桑榆力耕非所任溝壑
良可虞歸來問毛穎老禿不中書端坐獨閱默吾生終
焉如

題奚疑所藏秋林小景

溪山粉本秋來好只許丹青妙手知割取疏林歸尺幅
最難一半著霜時

貴士葉文學沈文學陳學博皆老去吾鄉耆舊更無
人百年篋衍供清賞不令題詩喚我頻跋卷中有四公詩

沈畦奚疑王獻枉訪信宿山館

峭帆霜曉落百里慰相思瓊樹蠟愁盡春風入坐遲十
年巢幕燕萬事脫筒龜還下凝塵榻殷勤媿故知

食蟹交大雪第五日

雙螯郭索行不前寒蒲縛來亦可憐一尊細酌紙窗下
愛此竹風梅雪天

許兵部兄歸里過訪山館觀寶鼎甄文別去以
詩見寄輒次其韻

籃輿來看竹松門暫啟扇暮山迎客紫病眼對君青
綠蟻斟猶淺驪駒唱重聽殘甄畱好句霜月半輪停

孫家進
藏朱君長三字搨本奚疑
轉乞見餉甄
題卽以奉寄兩君

兩城山下一片石上有三字朱君長千年寶刻出灌莽
筆陳橫絕不可當審定不落魏晉後識真最許翁侍郎
我生石墨夙有癖昔所未見空徬徨孫郎雅素無半面
惠而好我清祕藏酒奚介紹無宿諾題封百里隨夜航

二
清晨梳沐不服嬾竹簽釘角鋪粉牆枯槎架險峯墜石
仙人嘯樹朱鸞翔碧花古劒首半折瘦蛟擎山騰復僵
分布迴出思議表意匠欲俯崔蔡行臨撫壓管不敢下
欲登泰華慚跛羊古人能事豈貴巧卅年悔學時勢衰
癡兒嗤點強解事可憐塵土眯雙睂書苑定論吾自許
請君慎弗疑荒唐

食蟹

交大雪第九日

朔風厲嚴寒羣動皆就蟄橫行彼介士何事尚汲汲穀
鯨真無辜束縛何太急燂湯沸翠釜便請君一入爲口
我不仁全身汝奚及對酒忽三歎一躁百殃集

對雪有懷

朝來忽眼明微雪覆簷楹竹樹有寒色鳥鳥無樂聲
鱗虛遠訊文鴈滯歸程欲共梅花語知予歲晏情

冬至後奚

疑

寄餉粉飣

微摯出春磨

東坡句

百里餉故人解包一太息知子意獨

肫病眼驚節物索居眷同調歲晏孰華予因之發清嘯

謝蔡二秀才

壽昌

貽數珠

蔡子行路過箭疾欵門五日或三日探懷贈我百八珠
入手沈沈黝光發人生百年截道風少年鼎鼎成老翁
不辭且從千佛轉多生頑鈍資磨礱天門洞

平聲開談蕩

薄青天有梯不可上
低頭著書高一尺付與時人供撫
掌
身前杯酒身後名
秋井塌時空復情憑君乞我安心
法游戲何妨住化城

送李

五歸休寧

雙隻路旁堠短長江上亭孤帆從此別
羌笛不堪聽久客貂裘敝思歸翠被馨
臨溪無限柳春到若爲青

題燕香小影扇面

燕香姓陳字小梅揚州妓也其人年齒藝能
皆弗之詳聞以官事牽連小受挫辱雖經而
殞小影乃出自手續者布景設色妙無俗韻

蔡秀才 壽昌 見示感而賦之

生礬扇面光如銀上有荆娘自寫真
蔡子少年祕篋衍書窗日日看
輕顰攜來就我松閒牖淨洗朝來寒
具手拂几添香展摺看聒耳如聞朔風吼
圖中老樹雙槎牙玉龍狂舞歎空花
梭櫚敗葉少顏色繞牆無地棲寒鴉
玉樓凍合拳珠箔半損睂黃畱宿鄂
退紅複襦舊練裙心迹懸知雙寂寞
二分明月照嬋娟燕玉生香絕可憐
芳草有情沾夢雨落花無力仿歌筵
鴟弦慣理離鸞曲虛傳漢帝金爲屋
應羨幽居絕代人歲晚相依有修竹
春林錦繡嬌蒙茸淡日輕雲長養功
誰教猛雨三更後

斷送天桃一樹紅
蓬鬢不見雲耕返碧天
無際空腸斷
祇遺圖畫在人閒
可惜國香天不管
山谷句
白楊荒草送
西施畫扇當年付阿誰
欲向增城問消息
水天舊事幾人知
清詞擬續芳華怨
雲閒片月何曾見
半生工作有情癡
閣筆無端淚如霰

題王二畫梅扇

贈其友人
北上者

湘筠出袖淨無瑕
風雪離筵感歲華
祇有一枝春可贈
小窗呵凍寫梅花

懷汪三

家禧

閩中

三載榕城去
羈棲亦可憐
世情輕樸學
志士易華顛
魚

素經時斷冰輪昨夜圓懷人正搖落況乃迫殘年

寄題里中舊居

聞說修廊已半摧三年別館閉莓苔空梁剩有巢痕在
燕子春來更不來

賦橘

嫩橘深宵剖輕紅尚帶霜因之歌楚頌特地憶江鄉
熨袖春纖怯探懷火齊光書題三百頌佳句謝韋郎

除夕詠懷四首

崢嶸歲欲除因病得閒居竹裏門長掩梅邊信較疏
安心非有藥遮眼可無書耽靜今來慣毋煩長者車

回首家山迴傷心舊隱拋六州成鑄鐵一誤悔營巢賈
傳才空秀揚雄客漫嘲殘生更何願終老臥衡茅
白髮何年種清愁此夕增迴風喧爆竹微雪颭春燈迹
類桓山鳥心同退院僧無端思子淚沾袖欲成冰
井臼渾閒事貧家不易操坐憐襪豔歇幾見髻鬟高低
黛非爲態縫裳敢告勞宵闌重翦燭珍重勸春醪

柯家山館遺詩卷五終

共一萬零五百三十一字

柯家山館遺詩卷六

歸安嚴元照修能

丙子元日

歲朝妍暖是休徵喜鵲殷勤喚早興
初日麗檐猶帶溼輕風拂沼不成冰
玉人呵鏡妝堪可老子扶藜病未能
只待春來山意長牆頭穩看翠千層

獻歲第二日徐明經琳秀才球小集山館

婉彼丹穴鳥雙翔集中庭文采一何絢
頡頏相和鳴惜無千尋梧何以慰其情
毛羽日已豐會當凌青冥孤鸞鍛兩翮
憔悴煙江汀不如鸞與鳩榆枋足全生

獻歲七日風日妍好讀杜公元日到人日未有不陰時句易陰爲晴卽用其韻成一詩

元日到人日未有不晴時已覺曉寒減勿嫌春信遲
立
春
餘
生
端
可
慶
多
病
亦
何
悲
準
擬
漁
磯
綠
臨
流
理
釣
絲

穀日立春

拂面條風到暄妍及此晨霏英疑化水山翠遠含春疏
竹影猶薄古梅香最渾盤中細生菜又見一年新

送徐

球

春水方生處輕帆欲挂時溪山應惜別梅柳足相思同
調晨星似離裏舊雨知南陔蘭正茂歸柁未應遲

絕句呈郎秀才薪之

陽地梅株手自栽
今春早擬看花來
洗妝要待廉纖雨
抱著寒香不肯開

又呈郎秀才

枕上新詩漫與裁
無多心事在寒梅
平明幾點敲窗雨
不爲催花定不來

仁和許五秀才乃穀過訪

春風吹蘭牡丹吐
洲渚香之子訪衡闈
粲然崑玉光高情
隘疵賤索居感河梁
分手雖太遠猶勝
參與商

孤山山下梅綠梢
著花未汪生

家禧

客閩江何事緩歸

轡幽香得春早志士匪世貴因君問消息慰我勞夢寐

蔡秀才

壽昌

以何邑尊

太清

題慈相寺面壁窩

之詩見示中有見及之語率賦奉酬

十載柯山麓誅茅傍澗阿鶯花城外好歲月靜中多聞
道何平叔題詩面壁窩無端煩秀藻點綴到煙蘿

永日尋蘭若攜朋坐翠微興隨泉石遠勤覺簿書稀淺
草香迎屐殘梅雪點衣無由陪勝賞晝寢正朝饑

奚大王二山館夜話同作

力疾成堅坐清言喜盍簪翦燈春盎盎喚酒夜愔愔霜
柝傳來急風爐響欲沈綈衣渾不寐應惜薄寒侵

送奚王歸郡城

新蒲茸長沒鳬翁弱柳初搖酒旆風一片歸帆聽夜雨
詩人身在畫圖中

沈秀才

文藻

新得永嘉甄文云永嘉七年八月

十五日拓本寄餉書來以永嘉無七年爲問旣
荅其書復題一絕於後

杜宇春歸望帝魂江南猶紀永嘉元殘甌畱得千年後
仿佛金波照淚痕

許表姪

延澤

餉永嘉甘

分減傳羅帕眞甘得永嘉破苞香喫手嗽液響鳴車江

橘班同貴泥山路未賒聽鵬何處好畱共細君誇

戴秀才

如瑜

惠筆四矢索書扇戲題其上

戴侯雅善謔下語有妙諦貽我一牀筆意以當束幣春風欲倒人落梅香在砌苦索扇頭書得毋太早計

王二新購唐人書法華經墨蹟一卷

無端餅金輕一擲換此蠶簡不盈尺紛紛眼前和長與卻喜與君不同癖古人論士可百爲唯有一俗不可醫吾評此書亦復爾不病於韻能多姿小竹里館靜如水一片涼雲繞窗几妙蓮華香二六時宴坐祇愁定心起

沈秀才

畦

過訪山館

庭梅經雨盡繞砌碧蕪滋政爾暮帆落及茲新霽時布
衣寬著地華髮颯垂絲只合孤雲伴君真野鶴姿

徐明經

養原

孝廉

瑣

秀才

珠

朗秀才

來金

夜集

山館卽席賦

沈沈春漏未遽央枯魚脫粟隨意將平生雅喜文字飲
今夕共茲燈燭光渥洼天馬奇在骨

時聞秀才令弟珣所作古詩甚奇

丹山老鳳清引吭諸君勿怪主人惡須信次公非酒狂
二月廿八日力疾夜發入郡風雨泊舟感賦

篷背深宵雨清寒不可勝迴風燈影亂警夢水波興九
死緣毛裏孤生付友朋唯餘思婦淚猶漬舊青綾

留宿榆蔭樓七日別時賦贈奚大

乍對盈尊酒重登百尺樓青山曾有約華髮不勝秋檻外煙波憺窗中莞簟幽春風君子意何以荅綢繆

趙明府

增

罷官之後家於寶應去冬歸籍省墓

瀕行之際偶成款曲作此送之

腰閒金印大於斗不換眼前一杯酒趙侯八十健如虎
鳩杖無緣來著手恩恩宦海五十年囊中未曾名一錢
家山可惜拋舊隱攜家卻傍清淮壩滄江一櫂隨風雪
歸興難從俗人說重摩老眼看青山自典朝衫埋白骨
君收瘞同宗無主之樞甚多松楸雨露心所悲華顛拜墓雙淚垂浮

雲此去元無定遼鶴重來知幾時五年寢瘳柯山腳生
理危於九秋搥握手君嫌此日遲機關我悔年前錯
歌欲別櫻筍鄉春江風起蘭杜香畫船更擬畱君住無
那柳絲如許長

王二去年於道場山得古瓢旁有寶鼎三年歲
在六字淳古可愛惜其不全頃復於山中搜得
一件文獨完好下尚有戊子陳萬四字搨本寄
餉賦此遺之

王郎先得寶鼎瓢愛而抱之夜不眠快意何事復咄咄
六名而外俄空焉媧皇鍊石天可補嗟此闕字何由全

春山過雨山翠活隨人芳草青芊緜興來一徑入雲麓
健步不問雙行纏眼明十字臥牆角軒如龍脊髻龍龍
爬趺不惜爪甲脫苞裹自有衣被便道旁小兒拍手笑
何來此客真奇癲世人不癲端可惜一往情深始成癖
肯隨時好傍門牆自愛古香凝几席明窗和墨親手撫
非蝌非隸意象殊病夫凡事有天幸坐獲十顆明月珠
一甌文字何足論百感無端起方寸閒名那料傳千古
世上今知有陳萬

立夏日作

時以久雨斷屠

登盤只有新蠶豆不見櫻桃石首魚半月山中連夜雨

送春歸去意何如

王二寄餉烏米飯一器用松陵集中皮日休謝
張潤卿詩韻爲謝

餽飯松陵舊擅名多君情重似張卿
駐顏無謝西山藥
照眼空傳南燭莖青筋黏香分遠遞
錦鱗緘語祝長生
不須更覓胡麻拌亭午飢腸斷轂聲

簡友

新晴郭外浮嵐好不爲看花也合來
況有隔牆紅勺藥
忍教孤負十分開

絕句

卷六

六

桑柘陰稀遠眺通茶蘼花發去年叢儂家新竹高於屋
無數翔鸞下碧空

何邑尊寄餉銀米志感

愛士裁清俸關心乞酒錢節看重午近愁以片時蠲藥
裏多生債毛錐未了緣此身如朽壤祇恐負陶甄

仁和勞五弟

經原至

豐草初晞露高松尚宿雲閉門山意靜披竹雀聲聞翠

墨香盈握

以漢唐數碑見惠

清齋味美芹

君病肺不食肉予亦值齋期

愛君

肝膽古不獨快論文

君出予亡友胡功載之門去冬爲葬其父祖又時以銀米周卹其家

簡仁和邵明經

書稼

并呈何明府

太青

綠陰空似幄照我讀書牀不見小車至坐令蓬徑荒停
琴梅雨潤調鶴竹風涼好在何明府清吟引興長

送邵明經歸杭

襖被高齋宿流光廿載馳重逢心欲醉稍慰鬢如絲東
閣看梅約西窗話雨期未應歸太遽水部況能詩

酬李大

堂

倪三

稻孫

同訪山館見贈

路指龜谿熟征帆半日迂林間欣解佩竹外喚提壺病
鶴猶思舞閒雲覺未孤應憐今夜月流影照菰蘆

倪三自山館赴郡將規往吳門別後卻寄

渡口抽帆夕城闌判袂時嗟君不得志此別劇相思酒

面潛移赭征衣欲化緇鶴林銷夏地歸訊莫差池

梅雨

五日黃梅雨中景色殊碧畦千頃漫青嶂一峯無泥
滑思嘉客林深聽勃姑石榴紅照眼似欲慰羈孤

荆軻

同行不約高漸離頭枉殺樊於期英雄作事太鹵莽
惜哉荆卿空爾爲銛鋒出匣飢蛟吼驚起秦皇絕裾走
咸陽宮殿皆動搖銅柱何人拔匕首柴桑徵士意如何
采菊無端感慨多可憐樂府新翻曲不譜秋風易水歌

霽

西嶺斜陽外初晴卷片雲池平新鏡面林展錦屏文簾
猶蝸涎出垣簾蚓篆分疏麻猶可遺久矣悵離羣

謝何邑侯餉茶

銅餅煎水纒響車七椀破睡消眼花不須纖纖手親捧
坐惜冉冉鬢欲華揀芽遣送煩明府搜攪詩腸非小補
豬肝菜把一例看何必今人不如古

狂歌行贈何三

元錫

何郎好古兼好色半生拓落癡如雷畫餅一例笑名士
駿骨千載無凡才裹足不入終南徑低頭欲埋故紙堆
集古錄目讀書志一一手置羅奇核此事頗與溫飽闊

絕倒無怪旁人貽黠鼠自喜蠶滿屋老蚌時見珠孕胎
腐儒生計未全拙纖兒簞金吁可哀歲月侵尋真不那
五十之年忽焉過二毛坐覺日蕭疏萬事何緣付嬾惰
輕帆幾葉卸江村卻指雲蘿來款門相對短檠疑夢幻
曾傳墓草已陳根窗前初闢叢書版石上重移舊酒樽
廿年湖畔論交久君癡我狂在人口殘生我已痛無家
好事君猶期不朽神仙虛說長不死英雄同盡無何有
癡狂一任世人嗤請看悠悠百世後

長洲顧庶常

元熙

見訪別後卻寄并寄高明經

銓

託契居然致麟鳳羣處誰能等麋鹿臨岐勸作退步想
識面勿嫌分手速秋來儻更客江南莫負霜風破佳菊

奚疑王

獻

邀倪

稻孫

游道場山之歸雲菴續圖

紀事爲題二詩

一瓢曾此挂窈窕敞禪扉野鶴有時去片雲何許歸墓

門蘿月冷詩卷墨花飛

挂瓢堂中藏太初山人及與劉清惠公輩唱和詩草最積茲

地堪棲息嗟予心事違

詞客停征權精藍得勝游塵勞當處歇清福幾生修題
壁聞鴻爪披圖問虎頭諸公高興極吾意亦悠悠

簡何邑尊借閱畫卷

讀畫衙齋暑未闌憑誰商略共清歡雲巒暫擬從公借
展向山窗自在看

流水聲中一事無玉川特地走長鬚好憑妙手調丹粉
寫作琴堂借畫圖

客去

欹枕修篁下翔鸞不解

去聲

愁火雲收薄暝山月近新秋

送客驪駒曲懷人杜若洲淒涼仲宣賦何許更登樓

絕句

江月自娟娟江花欲暮天無情花與月是處得人憐
江月向人圓江花亦可憐無家江上客花月自年年

題陶徵士像

模松雪本

鋪窗蘇絹顏色改水墨希微尚精采眼明見此柴桑翁
千古高人生面在鬚眉落落誰寫真天水王孫下筆親
丹青我最憐曹霸屢貌尋常行路人

何邑尊再枉手書索改訂所課芍藥圖記并垂
問近狀

神交難得何明府愛予乃及屋上烏頻煩雙鯉書往復
苦問一錢囊有無丁生美談希世見劉郎譜花聊自娛
劉貢父有芍藥譜 匣琴流水聽新奏咫尺末由趨坐隅

題湖社懷賢圖

并引

當明永陵中葉吾邑唐刑部樞勅社會於城南峴
山號逸老社共十五人皆同鄉名德其最顯著者
蔣恭靖公瑤劉清惠公麟也岷山張通參襄以他
省人而來入社此圖乃通參屬其鄉人黃府志譌作王
彪續以寄顧尚書應祥者尚書有文記之陳上舍
豐從吳門市購得之今藏其家絹本橫卷長丈許
款署嘉靖壬子距今二百六十餘年矣

郭外林亭好當年有勝游浮雲薜冕紱佳日愛春秋枌
梓流風替丹青小劫留因懷趙徵士終老狎沙鷗鳥程趙徵士金隱居南溇劉顧兩尚書招之入社不赴事見靜志居詩話

夜坐

靜坐松關啟微涼竹徑通浮雲不礙月高樹欲宣風影
喜三人共吟成四壁空誰家吹玉笛流韻碧虛中

客至

僻巷誰相引良朋噬肯來月憐清夜滿樽羞晚涼開照
影嫌難燭寬心勸舉杯山城長不閉歸去未須催

謝章上舍

杰

餉茶墨

芥茶香滿裏黦墨色明碧慰我頻年病煩君錦字題長
蒿當路合獨樹與雲齊他日金門步重來儻未迷

得徐

球

杭州書知注

家禧

病時汪新歸自福建

長缺歸來後依然臣朔飢病因南國澤憂在北門詩積
善若爲報論心誰見知殷勤徐孺子省子足相思

所思

鴈去重霄迴樓高獨夜凭所思人甚遠相望月之恒錦
字經年滅明河到曉澂金莖清露滿祇恐冷于冰

久不得元和顧秀才

廣圻

息耗近聞其作客揚

州貽書問訊頃得報書知其以僕爲死久矣感
而有作

顧子十年別鏡中霜鬢新狂奴窮有態經術老能神葉
下楓江冷書回黍谷春祇嫌長不死佳傳付因循

來書
有正

擬少有心情作伴
傳以報良友之語

將往無錫初發舟作

蒼莽煙無際扁舟出晚汀
蘆花秋欲雪漁火夜疑星
鴈影連雲暗驪歌到岸停
今宵山館月寂寞照疏櫺

平望

輕舟平望泊風景水雲初過雨
湖濛賤迎霜驛柳疏魚
鰕生計足秔稻歲功舒
吾意閒鷗似行行亦自如

鄒上舍

煥

招集賦情并呈令弟

燁

復此高齋集居然不隔生
星霜驚物換風雨見人情
酒後朱顏在燈前白髮明
清襟逢二妙真覺寸心傾

歸舟

解纜蓉湖口回頭一愴神
霜楓紛送客江月遠隨人
籬下黃花開磯邊白鳥親
故鄉幽興極歸去岸綸巾

經虎邱

殘日山塘路蘭橈橫
欖岸斜春人明似月
霜樹豔于花簫管隨流水
樓臺切暮霞愛茲煙景好
不那客思家

未抵家前數日孫丈

青錫

過訪畱札而去爲之

悵然

抵家剛一笑展帙忽興嗟
有客來看竹無人爲煮茶
舊盟鷗夢遠小字鴈行斜
空負霜中菊斑斑細作花

九日勞五弟

經原

就宿招徐

球

蔡逢春

夜集

黃菊如人澹青山爲客容閒居逢九日清集慰孤蹤風
燭三條換霜鬢幾輩供爲歡雖草草堅坐未辭慵

何邑尊餉菊

官閣懷人意霜天餉菊枝爲容秋共澹幽賞晚相宜對
影渾忘病餐英足療飢積齡儻可制端荷使君慈

十三日沈

畦

至次日奚

疑

至翌日王

獻

至次日

倪

稱孫

至信宿山館席閒賦呈

嘉節恩恩過良朋續續來淥尊連夜設黃菊趁晴開室
以支牀隘詩應擊鉢催主人差不惡歸棹且遲迴

酬海寧朱秀才 恭壽 見懷之作

山館寒宵話相看意未申
娟娟初偃月草草欲歸人
忽枉瓊瑤句深慚老病身
因君披素抱搖落感蕭晨
古調彈誰聽時宜合已難
青衫何計脫華鬢向人殘
客裏過從少愁邊歲序闌
初弦城外月遲爾更同看

殘夜

夢覺知衾冷惜惜恰五更
月斜窗送闇風定柝催晴
闌鼠縱橫跡荒雞遠近聲
殘燈猶照影誰悉此時情

何邑尊緘示望吳羌山悼亡女之作賦呈

銘筆都官竝詩名水部能
新篇來疊疊殤女悼稱稱
梅宛

陵集有哭傷女稱淺土依初地餘光借佛燈
女瘞金片
稱詩又有擴志
言終不食曾許翦榛芳

奉和何邑尊重遊慈光寺唱和之作

南郭招提好仙臆昔往還重來修竹識相對老僧聞松
蓋斜支徑雲衣半護山歌行成主客佳句滿孱顏

送如臯姜親家

德煒歸籍僕長女嫁君次子務增

更勸尊中酒河梁話未闌日斜津鼓急江晚客衣單其
惜華年晏空歌行路難嶺梅開最早遠寄一枝看
君歸家即
擬往
廣東

寄奚疑

我心不忘榆蔭樓昨宵夢登樓上頭樓中之人雅愛我
枕上見余入夢不同雲幕山山態失野梅衝寒試花發
淨撥牀頭一襲雲我欲扁舟來看雪

得嘉興馮秀才

燭

書有明春來德清之約又言

新遭覆舟之厄卻寄

人未騎鯨去書猶附鴈傳相尋來歲約重結更生緣藥
裹消餘景儒冠誤少年素交誰暢遂把筆意茫然

何邑尊命題小像

最幸知心早何嫌覲面遲瓊枝比顏色祿米荷恩私粉
墨龍鸞舉風神玉雪爲移來新畫障先喜識須眉

先生與余

書疏往還極
密猶未相見

閒居自述

養痾非耽靜排愁強綴文病風磨墨慣落葉校書勤客
至傾三雅詩成張一軍逐貧猶有賦吾欲笑揚雲

邑尊遣餉盆梅侑以新句率賦呈謝

郵筒緘麗藻仙令送梅花東閣分詩興西湖憶故家山
寒知我獨歲晏藉公華五字長城在偏師敢浪誇

朱秀才

恭壽

歸海寧葬母索詩爲贈

卜窆催歸思寒江夜放船及茲封馬鬣不待相牛眠宰
上松成拱山中月正圓

葬期在仲冬之望

相隨憐小妹慟哭墓

門前

君有妹未嫁
夫亡不更字

山居向無梅植去年首春始向耶秀才薪之乞
株置書窗前擬作一詩因循未就縣廨中有梅
花聽事亦存空名何侯始爲補種并賦長歌紀
事今者節交小寒風日佳好對此疏影斐然有
作示秀才并呈何侯

少時不解梅花好乾笑林逋被花惱愛梅道理今始知
歎息霜毛亂蓬葆山家風物初不惡古桂修篁滌煩燠
只愁雪後春未來寂寞歲寒誰與保鄰翁牆角玉照眼
敬乞一枝及春早移來健步不作難無數瓊妃下晴昊

未妨美疢三載積坐覺清愁一天掃欲瑯小詩報嘉惠
齧筆如魚未成彙能詩今見何水部東閣補梅傳麗藻
高情不逐簿書減大篇欲壓蘇黃倒香風今日喜有鄰
佳話他年應可攷官梅野梅不同致一例陽春蒙大造
三冬今歲試妍暖坐對明窗紅日杲山中霰雪信尚遲
枝頭蓓蕾香已抱巡檐倚杖動詩興脫手彈丸殊草草
持贈東家植杖翁更報琴堂知我鮑

沈秀才時書來言於道場山訪得明溫忠烈公
璜之墓作詩寄之

勝國際末造吾鄉三忠臣烈顯公覺先而沒忠介公後復

有溫推官推官殉徽州妻女皆投繯碧血之所閼乃在
城南山實惟不食地平曠無林巒哀湍自響蒼荒草長
於八棚民所盤踞狂騷作比鄰幸有道旁碣大字猶未
刊碣云明崇禎癸未科進士文林郎徽州推官寶忠始
知一坏土中藏萬古冤歲月幾遷貿百有七十年夜雨
泣山鬼麥飯無耳孫好義有沈子家在何山前百里叩
蓬闥爲我述所聞中酒不能飲涕下紛潛潛再拜告沈
子及此墓未湮願君策杖去勿惜登頓煩沈子頷其頤
歸去不浹旬書來無他語此事觀縷陳言曾挾山僧窮
究尋淵源拜起徒彷徨夕陽在榛菅四顧莽無人芻蕘

無可詢開緘再三歎中夜寢不安忠節孰不欽況在鄉
先賢春秋感霜露無人薦蘋蘩是固吾黨責檢校諒不
難硤瘠二三畝買以充祭田年年寒食雨煙柳搖春妍
招要同懷子一尊酹墓門實惟重名教非徒慰英魂吾
病久悒悒茲懷尚勤勤裁詩報吾友知我所思存空言
慎勿嗤余襟良已殫

將往無錫初發舟作

繞郭山全失連江霧欲沈如何孤棹去及此暮寒深獨
鶴棲猶警疏梅冷不禁施樓回首處小別亦縈心

曉泊

霜筵泊吳江天黑星半殘羣雞爭哢喔鄉夢猶未安煌煌瞻東方精色發夜闌歲晚無霰雪水宿亦可歡

歸舟

寒雨催歸棹江梅照別筵客心禁永夜鄉思逼殘年寶鏡空留影瓊枝不再妍猶餘兒女淚霑灑翠幃前

次韻何邑尊見懷之作并謝賜卒歲銀米

愛士心彌切躊恩計轉艱春風先小草雅興在高山避俗何妨病耽詩不礙閒非因蘧玉使底事啟柴關

臘月十九日

歲事仍殘臘江鄉已早春綵幡添鬢勝生菜慰眉顰辛

苦千秋業支離百病身玉梅嬌不那伴我獨情真

歲不盡五日得黃

之驥書

是處生春草相望極暮雲書隨歸鴈發香共落梅分晚
歲壑鹽累空山霰雪紛清琴長在抱那不感離羣

楊秀才

鳳苞

挽詞

藉手千秋業華顛一老存主盟寧有媿觀妙欲無言妖
夢占東里殘年哭寢門誰修耆舊傳秋草不堪論

除夕

柏葉知春暖椒花媚夜深百年蛇赴壑一笑鳥迷林舊
雨垂垂盡新霜故故侵修名不無意眞見古人心

丁丑元旦

東方精色應雞鳴
照曉梅花萬樹明
病裏新年經五度
鏡中影事憶三生
恒河觀面重添皺
初地同心晚證盟
更向碧天占氣象
張星終古伴長庚

八日

瀟瀟入日雨料峭作清寒
徑草綠未徧庭梅香欲殘
鬢隨詩境改愁入酒杯寬
薺菜調羹得和泥摘滿盤

聞春鳥

圓吭帶雨清春鳥出林鳴
枕上喚殘夢天涯生遠情

元夕

第一回圓月今宵照薜蘿山城燈市少水國夜寒多促
席杯浮蟻明妝黛發蛾忽聞遙院笛惆悵落梅歌

陪徐明經

養原

溪畔看梅

一年日積三百六十六三百六十五日長刺促來日何
如去日多一日看花死亦足谷風習習吹寒梅梅林一
夜花盡開白雲入夢如有約翠羽傳訊誰爲媒飴菴先
生發高興杖藜特爲看花來娑拖且從媮樂去蹙躡寧
辭力疾陪山中有花山亦好滿城桃李皆重儻無風入
坐香自遠有鶴孤飛招未回先生行年六十化老境醺
醺如啗蔗侵尋華髮生明鏡浩蕩春風隨不借得意花

開冰雪中偶然遲暮競春工從今只願花開日歲歲花
前著此翁

後數日復往觀則已殘矣口占

看花巾笠自隨身一棹斜陽獨問津寂寞小橋流水外
重來不見綈衣人

雨中杏花

杏花紅在最高枝小雨空濛薄暝時可是春人工作態
啼妝猶抹淡燕支

落梅

梅花落盡賸空枝卷地東風不自持珍重一枝和淚折

折枝人較折花癡

閒步卽目

無伴尋山去新晴路未晞
泉通清剛活旗約晚風微
徑草隨人遠林花逐鳥飛
遙憐溪水碧漾影上漁磯

寄黃之驥揚州

登高肆遠眺雜花散芳甸
車馬何紛紛所思人不見
華予歲云暮素書如復面
疏麻豈無華欲折淚先濺
春江東去無盡頭江上風生杜若洲
相思直是頭堪白更著斜陽供暮愁

王獻

寄餉所揭蘭亭有淳熙壬寅朱文公跋語

前有蘭亭敘正本賜潘貴妃九字印璽綵或
理宗所集百七十本之一未可知也其石今在
郡城方氏

蘭亭正本南渡遺王獻搜訪親搨之書來令我較肥瘦
聚訟何堪重置詞大儒審定畱題識奇秀端應居上駟
跋中有奇秀渾成之目曾將神物付傾城誰向深宮問遺事穆陵
十集隨飛煙冬青花開亦可憐誰知真帖今猶在試續
吳興掌故編

管秀才千翔得殘絹畫像尺許幅巾羽扇意象
翛然上有題詞止存風賦情芳草五字亦已半

蝕硯北雜志載姜白石自題畫像詩云鶴氅如
煙羽扇風寄情芳草綠陰中黑頭辦了人閒事
來看凌霜數點紅以此校之始知是白石遺像
畫師款署亦殘蝕過半蓋白良玉也

一尺零綃小刼過銀鉤半蝕費摩挲布衣自有千秋在
生面凌煙未較多

春風鬢影畫難工評泊無人貌小紅省識詞仙遺恨在
馬塍花事淚痕中

清沔相逢話別愁梁溪一水接蕢洲人閒萬事何時了
天遣飄零到白頭

鷹揚鳳舞想儀形韻事今歸韻竹亭仍傍水精宮畔住
吹簫人去信通靈

三絕句

恩恩桃李催春老寥落幽居心事違聞說東風吹柳絮
一時齊向縣橋飛

看花對酒心何在翦燭論文意未忘風雨閉門元不惡
只愁春草過人長

客至安排自焙茶銅餅隔竹響縑車無多春色供人看
窗外新開郁李花

三月廿四日

久病逢初度餘春惜此時
花看千品過學悔十年遲
大造終私我遺書欲付誰
乘龍新女壻喜氣頗相隨
章壻苞偕

小女來

山館

夜聽小女

慕宜

誦楚詞唐詩

山堂清漏滴復斷茗椀頻傾紅燭換宵深
小女閒展詩妙絕轉喉珠一串碧空誰曳風中箏
似往而返殊有情能與作者會節拍豈無妙解通
神明十年霜鬢催人老一片青氈誰與保誦詩欲
廢鴟鴞篇卽今藉汝開懷抱歸去深閨刺繡餘未
應袖手遺居諸七篇女誠從頭讀猶勝文姬校父書

如臯姜親家

德煒

之長子

務培

隨侍祖翁海陽

明府至浙以詩投贈賦此送行

寒波掀江天欲雪猶記去年江上別今年春盡又逢君
相屬一杯深十分繁花下地如紅雨日暮樽空客起舞
人生情話能幾場對君如何忍不吐男兒墮地真可憐
一生何事非由天看人衮衮取卿相回頭已非美少年
登山擒虎等閒事第一難辦二頃田看君落落有英氣
富貴還應赤手致圭璧束身須及時翰墨蜚聲直餘事
言深寧復恤交疏尊甫知余又愛余君歸嶺外雙魚便
爲道吳儂訊起居

時尊甫
客廣東

楊秀才

鳳苞

遺像陳上舍

經

索題

碧梧萋萋高十尋書窗日午常陰陰誰歟撫卷此憂坐
太息斯人空苦心撐腸磊落書萬軸語笑從來不諧俗
槃中鮭菜三韭供鏡裏頭顱十年禿仲翔元是老經師
東野諒非軒冕族恨無定本傳千古賸有詩聲馳九牧
我昔少年有狂名意氣往往陵公卿便民橋畔識君面
君居南潯便民橋君正壯年已老成窮龐豈足當大敵見君敢
不跪且擎芭畦老去王豫姚世死吳孝廉史丁教授經
皆已矣作者何人識古風此老無慙稱繼起誰向襄陽
訪耆舊他日豈無習鑿齒訣別城南日暮雲

去年春杪
予力疾入

城君訪予寓樓
此後不復相見
寢門一慟死生分
門生尚有侯芭在
更買青山爲起墳
上舍頃謀買地
歸雲菴側葬君

卽事

雲蘿位置一身便
臥疴江臯不記年
掌上珠看今日穩
懷中月比舊時圓
蓬蒿我豈忘三益
湯液人誰效十全
畱得殘書遮病眼
未妨孤負櫂頭船

重錢刀行

大江不西逝衆水東滔滔
孰是世上人而不營錢刀
黃者良金白者玉主人一
身工障簾人生不恨無百
年安得銅山墮我前君不
見門前買菜作氣勢直得
一錢雙

裂眚病來服藥求延年日破千金都不計

獨往

徑草蒙茸合林扉寂寞聞鳥鳴催看火筍老不驚雷遠
岫有雲出故人何日來杖藜成獨往

裴回

題姜海陽丈所餉端硯用少陵石硯韻

端溪石多姿溫溫如璧羨美才歸衆視一朝琢爲硯丈
人江海來懷此贄相見元英楸垂雲紫燄斜掃電松煤
不成堅玉潤時復見奇珍登几庶喜色溢顏面伊予百
無能筆耕甘守賤石公有古情百年伴閒宴青雲作賦
客起草明光殿有眼如鸛鵒偃蹇不一盼

五日

警節逢端午榴花照醪醕綵絲能續命蘭艾有餘馨綠
綺微風入黃梅積雨停東家分角飯因感屈原醒

朱秀才

恭壽

鄭明經

榮增

邵明經

書稼

攜鮮魚

就飲

霜鱗失勢出驚萍就網買魚亦奇快岸旁折柳雙貫顚
飭付山廚走一介鄉風斫膾傳古法柳葉梨花紛狡獪

見李太白集紫
桃軒雜綴

閨中雅知愛客癖潔釜不煩再三戒客來

六合亦清朗款款熏風待情話柴門日色隱桑柘三室
張燈未嫌隘饒叔四面盡前坐不使冰盤有餘噉椎牛

未解豪客心食竹且逃寒士債對此真成夢盡忘久坐
猶聞氣成餒沈痾積年長不死高興今宵無可敗世人
誰不縛塵纓吾黨暫時謝天械酒闌無計苦畱客片月
松梢已高挂抱琴明日宜重來一味紫茄君勿怪

夢覺

午夢虛窗覺脩然耳目清香殘猶裊篆茶熟欲聞笙疏
竹捎雲重高荷瀉雨輕江村幽事足空負白鷗盟

六月六日夜發入郡城

拭面千行淚衝炎百里程打頭風雨急奔命死生輕叢
荻蕭蕭暝流螢故故明推篷煙水闊太息此孤征

將歸題榆蔭樓壁

清涼三伏天亭午不聞蟬十日小樓上百尋高樹前開
樽明月入下榻主人賢一樣無家淚蒼茫憶去年

共九千二百十五字

柯家山館遺詩卷六終